

豪貴所籍賦稅每恃勢不輸似華乃嚴扑擊徵比不避謗不怵威時烏程董份占籍吳江其蒼頭多暴橫似華以法繩之不少假清如止水苞苴請謁一切謝絕任三年上官交薦應超擢郡紳徐某任左通政在京素嫌其強項幾下下考同知應某代守入覲力白其治行於吏部陞台州同知後以布政使終

參文徵

卷之二十三

職官六

名宦二

劉時俊

蔣弘憲

李宗程

霍維華

晏清

熊開元

章日烱

林正茂

葉翼雲

趙汝璽

林岫

孔允祖

雷斑

趙子三

劉定國

霍勳

郭琇 張綺梅

朱基慶

吳江縣志

卷二十三

名宦

六十三

陳兆翱

趙軒臨

劉時俊字恒甫四川富順人萬曆二十六年進士知廬江桐城二十九年調繁吳江時俊爲政明徹簡捷務理大綱往時催科惟以盈爲辦然黠者善負姦吏復陰比匿賦而馴民致有十限三分之輸時俊先造烟門冊凡田畝貫址戶口令民占實填報取以簡稽遂悉田賦利病謂據戶部考成之數應歲餘若干金乃以八限五分爲準均之黠者亦不得閃匿郡漕卒獷桀橫索無厭時俊請漕撫約束每百石加四石耆老槩庾人筮軍第持籌焉每廩設一門者按衛給籤驗明而入毋多一人有浮圭合者扶以徇歲省米二萬石三十一年冬議兌時俊謂軍與民爭皆以斛口起釁乃勑爲窄口斛使雖爭而不多總漕李三才叅之邑人奔懇於京者踵相接乃解每歲常賦上無逋負下有留餘且得銖積黍累爲儲備焉其聽訟也請託不行法加勢豪無所避忌邑民結訟常以人命求勝時俊每鞫問必召一二證者與約不得言二字第許言一字曰真曰假證者或稍游移卽重杖之而寃立

白案牘有婦人名卽開釋之或以事至戒伍伯離文餘最重教化表節義敦訪耆碩延禮俊髦每月望後一日角巾至學宮與師生質疑考義從容竟日俗好賽五方神每歲必演劇月餘男女雜沓無賴乘之導淫賈利時俊杖其爲首者投神像於湖其風遂絕久之事愈省訟愈簡卽盜賊亦多屏跡捕役無以爲餌乃遠結龍游盜潛入城夜半劫質庫計挫其威稜時俊聞之卽率吏卒臨視拘繫諸捕妻孥限三日全獲否則死果如期盡獲悉以贓歸質庫餘無所問邑塘當孔道歲修而圯益甚時俊捐俸及羨餘三千餘金築之勸富民宦室輸助曰義助免其役而助者曰役助質訟曲而罰者曰事助塘南北延袤七十餘里皆築以巨石計費凡三萬金功成而人不爲苦稅監陳增至杭所過邑令皆長跪時俊獨不爲屈索供億又不應闔甚怒會儒學陰集邑中諸生往來郵亭若將譟而逐之闔懲往年葛誠事急解維去心銜之未幾以檄至府曰某年月日金閫失上供幾萬計據盜供某某劫某某窩凡五十三人皆吳江巨室也知府朱燮元錯愕無措時俊知之曰

## 吳江縣志

### 卷二十三

名宦

### 六十四

巨室邑之梁棟也彼計行邑傾矣母雞引雛遇鷓猶鬪况爲民父母吾何愛此一官耶卽往謁郡守曰此詐耳請以身當之歸攝諸衙役與弓手得二三百人闔使入縣咆哮無禮命闔儀門縛而訊之曰據爾檄事且經年今始發何也且某月日而闔在徐州道上乃來吳耶與大棒數十闔使懼具伏誣狀盡置之法後闔見爰書語塞卒無以加在任五年治效異等陞南京兵科給事中官至太

僕寺卿

參獻集下  
一傳同

朱鶴齡曰昔人稱吏道清慎勤而已吾邑賦重難甦吏詭難剔非濟之以威明不可劉公發姦摘伏洞照若神錯節盤根恢乎遊刃故凡所興革至今利焉沈公子勺稱其明析秋毫力舉千鈞卓絕之才百年未有誠定論云

蔣弘憲宜興人萬曆三十一年以鄉薦署吳江教諭性行端方課士公正表醇儒懲敗檢設遷善怙終二簿以董勸之又捐俸繕葺學宮置田若干爲月課餼犒之資士多爲之洗心飭行先時儒學官率俯仰縣令弘憲謂禮義由學宮出

且教職非幕僚也抗顏不撓以師道自任縣令劉時俊甚重焉每朔望令至學中登堂考藝尉以下皆屏齋舍不得越級而上一生以關稅事見辱於邑尉弘憲詣縣質責之語并侵時俊時俊令尉至學舍長跪謝移時乃已其丰裁嚴峻如此稅璫過吳江泊舟郵亭勢張甚要長吏跪弘憲乃召諸生齊具襪襪集明倫堂璫偵知謂來逐已遂行

李宗程字雲衢西蜀人由貢士授吳江水利丞性通敏有幹才萬曆三十二年署縣篆前令劉時俊治行卓絕一時宗程繼其後聲望略與相等上官亦雅重之在任四年陞某縣知縣

霍維華字應庚東光人萬曆四十一年進士四十四年由金壇調繁吳江初至以吳江財賦甲江南計正賦若兵若役若徭若新增之餉約每畝四斗而耗不與又湖濱坍漲遞變等則繁多有田腴而賦輕有瘠而賦重有不賦之田有無田之賦每扼腕太息既與邑中賢士大夫究其源委遂躬行阡陌不避寒暑晝

## 吳江縣志

### 卷二十三

名宦

### 六十五

清丈夜持籌肥瘠廣狹瞭若指掌匿田浮賦纖毫畢出於是坍者蠲漲者賦廣與肥者增狹與瘠者減而通計盈縮均之合邑向之所輸四斗者減一升五合有奇而向之所分三十八則者酌爲九則

竝詳經略類

踰年事竣百姓受蠲豁之益而國家

亦無顆粒損焉所編定履畝清冊至今賴之他若催科兌運汰冗釐姦皆可爲後人法佐貳吏卒無所事事至懟恨無聊而士民望之如神明四十六年入覲留部天啓元年陞兵科給事中累遷兵部尚書竟以附魏璫敗然其治縣之功固不可

泯也

見獻集

按葉志不爲維華作傳斥其立朝黨惡之罪也獻集府志爲之傳者因其治吳江有丈田均賦役之功也愚謂論維華之爲人則罪大而功小明史已列閹黨傳固當斥之論其治縣之事則不但爲功於一時且有功於後世爲之傳亦非過也故今卽用獻集傳傳之以爲後之吏斯土者法而葉氏之斥之亦實足爲能吏黨惡者之戒云

晏清字泰徵黃岡人萬曆四十七年進士知蕪湖天啓元年調吳江清性和易其聽訟大者立剖小者遲之使自解而嫉惡又嚴邑有巨兇某久肆毒螫莫敢誰何清廉得之捕而置之辟獻集云有二三大猾螫閭左者清捕得杖之縱民環觀械繫而出衆共手擊之竟日而斃催科有序亦無逋者四年大水清單舸踏荒謂今昔異時欲如丁亥戊申之請賑請蠲勢不能得得以銀代米止盈部額不徇漕規且稍甦粟貴之困乃力請之上官得以首災上聞全漕改折折漕價與買米納倉所省已四萬餘金而省官耗及民贈米又八九萬石時巡撫都御史周起元發票二十欲市米二萬清重擾民知湖漕有富戶以本貸商而徵其息召而語之故給以憲票批文聽其買賣二十票不日而盡米源源而來商民兩便焉明年擢禮部主事改吏部後以忤璫罷爲民崇禎初復起

終吏部尙書

參獻集

熊開元字魚山嘉魚人天啓五年進士知崇明縣崇禎元年調繁吳江故事官署供帳悉出庫吏因得緣爲姦利開元至命悉出賣還官著令革諸進奉而慎擇筦

## 吳江縣志

### 卷二十三

名宦

六十六

庫出納有程無敢犯法者所清覈隱田以萬計米以千計上官以廉能稱之先是漕卒橫甚小不遂卽譁譟隨之開元密請於上官假便宜約束嘗戴星唱籌質明畢兌所省耗餘十五先是行糧萬金縣官例有扣尅開元曰是致譁之端也如數畀之運卒大服常謂理民但當講求農桑水利至婚姻田土細事一父老片言可決何嘗有大不平須庭鞫者徒爲人魚肉耳遂一意與民休息訟至立決無遲留者大修廟學重建龍門能知人其所甄拔皆成名士隣邑賢雋聞風景附亦多出其門下烏鎮界浙直間湖州同知莅焉常以詞訟追捕至吳江民甚苦之開元具狀白其不便同知怒訶其蔑制開元曰同知卽尊至本轄上官止矣本轄上官有所按問竝檄縣處分無徑行者今安得爾爲文告上官上官移牒浙省將合疏糾正其害乃戢四年選爲吏科都給事中後以劾閣臣周延儒廷杖謫戍明旣亡薙

髮爲僧終靈巖山中

本獻集下  
一傳同

章日烝字敬明德清人崇禎七年由進士知吳江縣會當定役釐剔花分詭寄之

弊廉得田多大戶點克舊額一千二百畝卽領北運日烱令倍增寬其方更以南糧恤之徵收條折銀號設二櫃櫃置一吏一胥一等一羅俾納戶自兌投櫃中吏胥僅記其數一有勒索卽鳴鑼以聞一縣稱便上官善其法下所屬通行錢糧解有耗放有扣貪者先放後解罔顧公家之急且解屬之吏輒侵蝕不可問於是一切置存留不發擇上供急者先之有事入郡則身致之以故課額早登爲七邑最時邑民虞燧赴京上書言水利事下所司日烱卽銳意舉行下令長橋舊址爲民居旁蝕者期三日內悉撤之又疏九里塘之淤而水利漸復他如新學宮修塘路廣犴狴百廢具舉又師郡守寇慎遺法置長卓五百以試士士皆便之九年夏以斷陳婦事被劾中暑卒於胥江舟次事詳列女篇

林正茂字爾時金山衛人崇禎十二年以貢生爲訓導有才識諸生至必慷慨爲言忠孝廉節大義左右有飢法而行者必黜去其重倫紀如此歲庚辰飢民嘯聚海防同知王某奉上官命來勸正茂密言此良民迫而走險者耳可撫未可激也

## 吳江縣志

### 卷二十三

名宦

### 六十七

王天然之邑賴以寧陞睢寧教諭未行卒

本董志

葉翼雲字載九福建同安人崇禎十三年進士知吳江縣初至歲大旱蝗捐俸設粥緩征平糴禱雨神祠布袍蔬食日步數里拜跪甚虔立法驅蝗蝗皆墜湖死是歲雖災不害時議者以國帑詘欲因畝加賦爲備翼雲條上其不便所蠲省以六萬計暇則周行城郭相形勢乃延父老之賢者俾任其役令城外四周皆爲康衢可馳馬其上增築臺舍常衣戎服閱兵郊外夜則巡行闐闐間謂衆民曰吾以安爾寢便爾夙興作事也十七年春北都變聞不軌者思逞亂翼雲廉得主名者立捕殺之邑中帖然後歸里戊子八月同安破被獲死之翼雲好獎拔才士培養善類卒以大節終邑民至數十年思之不忘

趙汝璽字熙珍山西岳陽人崇禎十六年以歲薦爲吳江丞勤政恤刑愛民下士其職專任水利清軍於曹事輒先諸僚上官才之命署糧政尤以勤恪稱嘗兩贖上供從縱橫枳棘中達都下受上賞而還乙酉擢任去民爲置生位於署中

見董志

林岵字小眉莆田人崇禎十六年進士明年知吳江年甚少案無留事南都政亂罷郡邑童子試令輸貲徑達學使者岵捐俸代輸而拔寒峻以應南都亡蘇州不守岵歸仕唐王興化破自縊死

本獻集  
參明史

大清

孔允祖曲阜人先聖裔以貢生授經歷順治二年冬從征至吳江署縣事時縣經兵火城無居民允祖招撫勤郵民漸歸集又以兵駐邑或爲民患請於上官撤去之明年正月十五日松江湖盜

打曹陳  
二等

突至允祖以大義開曉盜不從爲所害康熙元年

知縣趙子三於縣治東建祠祀之

本董  
志

雷珽字元方四川井汧舉人順治十三年知吳江邑賦重役繁仍明季花分詭寄之弊田無定數役無成格甚有田連百頃而不役有數畝及數十畝者因役破家或逃亡珽洞悉情形令每圖以二千畝爲額田均而役亦均論者以爲百世良規有均圖均役全書惜以註誤被劾既復職而去

見屈  
志

吳江縣志

卷二十三

名宦

六十八

趙子三字海秋乾州舉人順治十八年知吳江縣清簡明決其徵輸一月分立兩限用紙皂紙枷不事敲朴不煩差役設順櫃聽好義急公者不限完納設頑櫃聽前月未足限者不時投納一時稱催科良法聽訟枉直片言卽剖讞語當堂立成期年以註誤去官士民惜之建祠勒碑

劉定國字奠萬瀋陽人康熙三年以父蔭授知吳江縣縣當南北孔道師行所過繹騷定國聞師來具牛酒境上至則犒其將士遂促之行而弗使有所擾折獄明敏無留牘嘗視獄唯三人其罪當戍明日遂遣行獄爲之空築文廟宮牆葺縣治譙樓起申明旌善二亭繕城垣治塘路修垂虹亭建名宦鄉賢祠百廢具舉邑中改觀陞高

郵知州行至郡疾卒

見錢  
志

霍勳字立貞清苑人康熙十四年由進士授知吳江縣時邑值軍興之後民力凋敝勳寬催科絕差役訟庭不聞敲朴囹圄禁者日給米冬給衣絮置草韉以藉之苟可求其生路多方平反之律已清慎人無敢干以私不期年丁內艱解任出署襍

被外無餘物以各項賠墊缺額銀三千餘兩邑人爭先捐助一月而完貧不能歸  
淹留邑邸十八年七月望夕忽呼起家人沐浴正衣冠端坐而卒人以勲爲眞慈  
眞廉云明年士民請於上官奉祀於邑之北關

郭琇字瑞卿

年譜  
作甫

卽墨人康熙九年進士十八年知吳江爲政明敏果決不畏勢

權能除積弊往時收額徵銀給活串姦役得多方侵蝕琇乃創爲版串十限一連  
各書徵銀數由單如之先期給單於民令依數封銀投櫃輸若干限遂如限數截  
與版串其時欠戶頗困差擾琇於欠多者令里書抱木皂往催欠少者專用長單  
催而不輸乃量欠數板責多不過四五下民旣無重疊零雜費而銀易得全輸嘗  
有積盜恃豪強爲窟穴無敢詰者悉擒致伏法院吏逋糧庭見不跪呼大杖立扑  
之提督揚捷遣弁至吳江督修戰船大索賂遺縛縣吏於舟琇往諭不聽且出不  
遜言遂批其頰墜之水中知府某數求餽賂不獲則強屬以枉法事且威脅之琇  
憤曰吾肯作此盜賊事卒不從民以訟至者片言立斷琇知吳江凡八年其政績

## 吳江縣志

### 卷二十三

名宦

### 六十九

他州縣官無及者自副都御史湯斌巡撫江蘇而廉聲更大著嘗條上十弊二可  
議於斌斌以長沙策監門圖稱之多舉行焉於是特薦琇於 朝遂行取入京授  
試監察御史累遷左都御史前後劾罷大臣之有氣力不法者十餘人羣黨日圖  
報復旣媒孽令得休致而江蘇按察使高承爵猶不釋恨復徧索琇知吳江時過  
失事無所得縣丞趙炯虧空所經收漕米二千三百石遂移坐琇目爲侵欺提  
琇至江寧質審初琇入京署縣事爲丞張綺梅取炯漕米貯倉印結不知炯已虧  
空後炯以降調去事始露綺梅乃詳明上官上官捕炯不至琇聞卽遣使買米代  
償及質審琇綺梅及經承顧德明等具以實供承爵一切不聽惟疊夾綺梅德明  
等足踝逼令誣虧空在琇不在炯綺梅至十一夾弗移口琇顧綺梅曰若輩不過  
欲死我耳何不誣承而自苦若是承爵怒斥琇曰爾不畏死耶琇笑曰我畏死不  
至此畏死者方坐堂上會

聖祖有大臣不許擅刑之旨承爵不敢逞遂刪改羣供引監守自盜者斬參後全

完減等遣戍律注發陝西當是時天下皆爲琇稱冤吳江特甚而  
上亦特免琇戍竟令回籍三十八年

上南巡過吳江萬民跪兩岸迎 駕侍臣傳

旨問從前郭琇爲官可好齊聲回奏云好連呼不絕口及 駕回琇迎於德州遂補  
授湖廣總督後被劾歸以五十四年卒年七千八綺梅字子遠臨清人康熙二十三  
年由監生來爲丞居官清慎其受夾十一而卒不肯誣琇義聲震於江左焉琇事非  
綺梅天下竟無以知其冤

以上皆在分縣前

朱基慶字耐軒靖江人康熙四十一年舉人署吳江教諭性朴直勤於課士見義敢  
爲諸生沈某爲道差所辱訴之知縣某某以投鼠忌器辭之基慶曰道差而敢辱諸  
生縣又不問何以伸國法具文申憲得革差正其罪其他事多類此在任十餘年口  
不言貧以老致仕歸

## 吳江縣志

### 卷二十二

名宦

七十

陳兆翱字臯羽長沙善化人由舉人試石埭知縣雍正七年以才能調吳江爲人雍  
容儒雅於吏事雖煩劇處之綽有餘裕聽訟明決如神催科行滾單法擇大戶爲首  
令其以次催納差役旣免而條折無逋蒞任逾年刑清政簡未幾歿於官總督尹繼  
善深惜之

趙軒臨字漢策蕭山人由吏員歷婁縣丞雍正九年署吳江縣三歲稱職爲眞軒臨  
爲吏勤謹杜請謁絕饋遺晨夕供饌惟菜一盂而已公事下鄉從吏役祇數人歸必  
數以登舟恐留而擾民也收糧四載民無怨言其聽訟必使民先盡所欲言而後折  
之點者咸服曲直旣判令兩造至前口誦讞語吏侍立疾書不得一字增減改易上  
官以其能凡鄰邑有獄不決輒檄令治之後訊南滙命案時值溽暑獄辭詭變連五  
晝夜始成讞遂致危疾歸署兩日卒

### 別錄

後梁

司馬福郡人始隸吳越王水軍爲游奕都虞候梁開平三年淮人圍蘇置柵環城內外阻絕王遣兵來援莫知城中情形以福能潛行水中遣入城淮人又設網水中懸以銅鈴織鱗觸之亦覺福以巨竹觸網淮人聞鈴聲亟舉網遂得渡旣入復出在水中者三日及援兵與城中弓矢相應淮人以爲神進官都指揮使吳越城吳江置軍鎮命福守之遂老於職福美鬚髯屢爲謀者入城因剪其鬚淮人終不能識

宋

馬尋字子正鄆州人大中祥符初以明經登進士授吳江簿兄彞戒之曰到官半載可誦律書爲治民之本後彞至縣詰之答曰縣當衝要疲於送迎未暇及也彞不憚尋請緩期至冬遂精律學後登朝籍久參法寺以平允稱

張先字子野湖州人康定元年由進士知吳江有惠政詩格清麗尤長樂府仕至都官郎中

## 吳江縣志

### 卷二十三

別錄

七十一

林肇字公權寶元中進士熙寧三年以尚書屯田員外郎自請知吳江始至覽江湖之勝緬懷古人慨然有歸歟之興乃卽松江勝處作鱸鄉亭繪三高像於中旣落成遂具舟由亭下拂衣歸時人高之

陳瓘字瑩中沙縣人元豐二年進士授吳江主簿初至遊鱸鄉亭賦詩有安得便拋塵網去釣舟閑傍畫欄旁之句及徽宗朝自正言遷司諫數言事天下傾注之後被貶以卒贈諫議大夫諡忠肅論者謂瓘筮仕初已不戀官職故其後能直言

極諫云

本中吳紀聞

程端不知何許人元祐二年來知吳江改建廟學有惠政

徐勣字元功南陵人舉進士調吳江尉仕終顯謨閣學士勣挺挺持正爲徽宗所禮重而不至大用時議惜之

李光字泰發上虞人崇寧五年進士初知常熟縣朱勔父冲倚勢暴橫光械治其家僮勔怒誠轉運使移令吳江光不爲屈勔終不能害也仕至禮部尚書卒諡莊簡

徐似道字子淵天台人早負才名紹興中爲吳江尉受知范成大及爲秘書少監朝聞彈疏以舟載菖蒲數本書兩篋翩然引去道間爭望若神仙然

李椿揚州人紹定四年重建縣治四明袁肅書琴堂二大字刻石椿自作記石塘橋梁祠廟使館皆爲修建仕至吏部侍郎

明

趙鈞大梁人洪武元年爲吳江訓導文章高古觀三高三忠兩祠碑記可見

張居敬不知何許人洪武四年爲吳江典史移建社稷壇於西門外山川壇於南門外莫旦曰以此觀之則爲政可知

瞿莊字敬孚常熟人爲吳江訓導有文名擢翰林典籍與修洪武正韻累官參政

見獻集

劉榦陝西人洪武三十一年爲吳江主簿廉謹有爲以事調衛輝府照磨

陳敏仁和人建文末主吳江簿明斷而寬恕擢刑科給事中

參獻集

## 吳江縣志

### 卷二十三

別錄

### 七十二

袁時億東安人永樂十六年爲吳江教諭有學有文

張肅宣德十年知吳江縣有政聲

侯貴汝州人正統二年由吏員爲吳江丞有材幹陞南京中兵馬指揮

林彤正統二年爲吳江訓導有學善書

吳珩鄱陽人正統四年爲吳江丞有文學才行

龔貴浦城人正統十年由國子監生知吳江有政聲後陞杭州知府

賈亮北直隸人景泰四年由監生知吳江爲政仁恕而拙於催科後改除而去

劉文輝新昌人景泰五年爲訓導端謹善教遷伊府紀善卒

陳用貞字善成東莞人天順二年訓導爲人眞率和易長於詩文有琴趣集遷長樂教諭致仕

梁和字貴和其先泰和人徙應城舉賢良方正天順四年爲吳江丞以廉惠著

參獻

集

王迪字進進獲鹿人成化五年由進士知吳江縣十一年部考清謹有聞陞太僕寺丞卒

孫顯字微之華州人成化二十一年由舉人知吳江廉介有爲嘗刊行莫旦所修

縣志改知靖江

本獻集

金洪爲知縣時豪猾縱橫賦役繁劇小民每占一役必破產捐軀洪歎曰虐政有甚此者乎乃抑勢家除姦吏廣分諸役以調劑之民感其德至有生子以金爲姓者上官爲請於朝頒其法行之一郡

見獻集下一條同

劉澤字濟民濟寧州人進士弘治十三年知吳江才識明敏斷決無倦一日偶出見瞽男女三人行乞疑之乃令捕其丐主李廣至而召瞽男顧來旺近案密問之來旺不覺號泣自言嘉定人爲廣誘入舟針刺其目令之乞食同行兩女子亦然又召問兩女子具得其實卽治廣罪遣三人歸一時皆異其事十八年召爲給事中

## 吳江縣志

### 卷二十三

別錄

七十二

張元陝西人弘治末爲典史以廉稱卒於官周恭肅用有詩哭之

張明道知吳江時公宴治具例皆取之坊長里長明道力行節儉減常費十之七民貧貸於勢家積久度不能償多流散設法撫徠之卒歸業祠廟橋梁久多不治明道所在繕葺然皆因事興工民不知費

喻時之爲吳江也嚴於吏而親信於民秋夏稅以限上不事敲扑力役則應毋待號召鄉小民鬪鬪來訴就公庭片語立決遣之各自得意去吏不敢望得其一嘖笑而鄉小民亦不復知有吏吏及大猾惴惴戴三尺而立然竟其任無敗墨吏遠

近稱曰喻青天

見獻集

王國光蒞縣時值水災巡撫檄縣勘驗時田禾多沒間有可刈者民已刈而揭之竿及聞官至慮其見之難以荒報亟沈之水國光遙見立遣人諭曰朝廷泉府甚大豈爭此幾畝禾遂以全災聞民賴以甦

陳九成字信齋杞縣人萬曆二年進士明年來知吳江始用木皂提人刻其背曰

口不飲酒手不要錢拘勾犯人公而能幹任九月卒於官

見董志

見獻集下

同條

馮任字重夫慈溪人萬曆中知吳江邑多姦弊任悉意爬梳之得隱占田三百餘頃侵沒稅糧四千餘金其明年大水蠲征發賑邑紳沈瓚條救荒十二議任便宜行之多所全濟然竟以催科缺額奪俸秩滿陞工部主事

全廷訓江西人天啓三年自府佐署縣事浙弁賈祥托勤王召募游手所至騷動抵吳江其前隊以索船先至與擯船爭不勝溺死數人賈至大譟居民震恐忽健卒數十露刃入縣庭廷訓命胥吏悉避獨身坐堂上卒至前無狀廷訓叱跪之徐徵其說曰縣民殺勤王兵公不知耶廷訓曰第覓屍來我爲爾正法卒唯唯而退廷訓請於府將勒兵逐之府不許命稍賂之祥亦以屍不可得遂去先是賈兵之沉於河者爲練兵唐堯輔座之他所賈至徒憑風聞而已故廷訓得行其鎮定邑

## 吳江縣志

### 卷二十三

別錄

七十四

以無恙

本董志趙蹇卿集

褚附鳳字鴻圖嘉善人天啓中訓導博學篤行少與周相國道登爲友壻同席研書相得甚歡及來爲學官道登嚴事之如師陞溫州府教授

見貫齋遺集

熊開元爲縣時有寇倣各邑皆以召募滋餉開元令胥史下直者悉習兵財不費而左右皆可用

見董志

解學臯號淥水興化人崇禎八年以貢生爲吳江訓導善鑑人客至賢愚了然然終不之言所汲引必高潔之士嘗教人毋壞心術壞心術則千仞之垣基斲矣在任五年不欺一物不競一人知不知皆稱其長者擢澄邁知縣去

唐階泰字瞿瞿達州人崇禎十年由進士授知吳江縣尚寬大不爲切急以文雅緣飾吏治性不好簿書每進文學名士飲酒論文雖文檄雜沓階泰晏笑自若也階泰出漳浦黃道周之門道周負盛名爲士林首及門皆知名之士階泰議論上下爲一時勝流所推不喜趨附津要尋補寧國府推官陞禮部員外郎卽謝歸寓

居吳江蕭然堅臥不出未幾卒

陳國器字玉汝武進人領鄉薦崇禎十年署教諭謹交遊絕訴訟鬻舍蕭然而讀書夜分不倦人服其操

見獻集

何孫龍南海人崇禎中以吏員爲典史廉謹不苛自

稱其地風尚如此未幾擢藩僚以去人皆惜之

見董志

董爾基曰官之蒞茲土者其名微而志潔則賴邑中紳士噓植之如李簿學禮不受非禮之饋周閣學嘗分甘以助其貧操愈厲矣何之清節乃使之邑邑而行何哉

葉翼雲知吳江之先吳中旱蝗穀涌貴姦民聚衆攻剽脅富室傾困給之名曰打米攝篆者不能禁撫軍黃希憲誅其魁亂稍止而餘風未殄翼雲蒞任得其狀曰勸分荒政也脅之自下是訓亂也乃先下令富室減分平糶復委紳士賢者稽戶口筭出納捐俸設糜賑之密捕先年倡亂者悉貢之法四境帖然又白糧解戶每名費及千金民不能堪翼雲條便宜上撫軍題爲官運復有議造船者翼雲曰本

## 吳江縣志

### 卷二十三

別錄

### 七十五

欲安富是又困之也乃酌取助役銀以資運官殷戶始釋重累時流賊躡廬鳳下江州縣皆恐翼雲欲先事愆防費無從出適存空役銀六萬兩撫軍將移佐江防翼雲爭之曰幕府所須當檄支各郡何獨括吳江請以本邑額外之征卽畱衛本邑議上得允由是蠲其半以甦民半則用以修城陴團保甲練民兵人有固志

本愚

庵集

潘承祚宜興人崇禎癸未來爲吳江訓導乙酉 大兵下吳江設署令丞簿等官旣而陳湖兵至取丞簿殺之署令朱廷佐逸去時邑人吳易亦起兵乃倡城守之議請承祚權縣事易自屯兵大漾分鄉兵與承祚守之未數日 大兵突入城鄉

兵驚散承祚被殺

見愚庵隨筆

大清

陳繩舜字觀我句容人順治三年舉人六年來署教諭時文廟祭器缺壞且莫之識繩舜繪圖鐫名使諸生具知之祭之先一日洗滌祭器事必親理每壇督令一

生按圖陳設祭物精潔拜跪嚴肅又捐俸以置器皿書籍一時爲之改觀

見董志下三條同

洪天開歙縣人順治十一年以舉人來署教諭學有原本諸生以制舉業來質者進以經學以經學來質者進以篆隸古文凡音韻清濁形體豐殺流俗相沿未正者一經講明皆粲然有緒陞永定知縣去

毛漪秀字公衛山東掖縣人順治十五年進士十七年來知縣事於漕米力行官收官兌法條折銀令自封投櫃按縣額圖額每限完三十分之一計蕩折驗徵多寡得均無可那避一時稱爲催科良法

王名世字間有涇陽人領順治二年鄉薦康熙二年來知吳江慈祥寬恕以舊欠南糧徵不滿額罷官士民急輸保畱不獲而去

郭琇官吳江時有盜白日劫客舟於官塘客訴於縣琇立移文守備陳桓共追之盜乃旂下逃人衣服華美叱守備不敢前琇躍入其舟呼客證之良是遂縛其人索原贓具在解巡撫訊實正法舊經承張某侵蝕逸去充提督將軍楊捷差官持

## 吳江縣志

### 卷二十三

別錄

### 七十六

令箭催兵糧見琇不遜琇手掌之裂其冠跪乞乃已提督知其剛正不問又邑伶人凌泰曾入京挾王府勢與州縣官抗禮有求必獲嘗買田本籍遣人投刺索稅契琇立柱通刺者而押其使限三日繳銀遲且追比泰匿不敢出聲泰母死巡撫某諭郡屬州縣往弔獨琇不往巡撫召琇面諭之卒不從後湯文正斌至任聞琇事甚稱賞之

趙琳字玉林涇陽人領順治十三年鄉薦康熙二十五年來知縣事性慈惠廉介官銀加耗每兩止二分取足平色而已監臨大吏初至有京逋遣人索銀三千兩琳不應其子及幕賓勸以庫銀饋之琳曰吾去官累一身耳那國帑則累子孫寧死不爲也後被劾去任誣以收糧時得米五百石追比家屬邑士民憤且憐之代完如數謂之趙任冤贓米

夏聲字秦重六安州人領康熙五年鄉薦三十八年署吳江教諭好學工詩文善書巡撫張伯行創建紫陽書院委聲督理以勤謹見褒年七十三卒於官

葉前字道元黃岡人康熙五十七年由舉人來知吳江越三年庚子夏靈雨浹旬垂虹橋自亭以西之半盡傾亭以東之半亦將圯往來者必呼渡船皆苦之前因卽爲修建屬邑人包咸及錢敬中費宗源董其事橋成堅固耐久工始於五月中訖於明年閏六月其費前倡捐千餘金紳士亦捐千餘金又簡村舊有浮漲田萬畝郡邑數大姓並欲占爲業爭訟不休每歲秋收彼此刈稻往往鬪毆致死前曰此田乃天所以賜旁近窮民也豪強何與焉乃飭各圩甲覈報浮漲田若干畝湖濱居民若干畝按戶分撥各給印帖於是爭訟息而村民遂得據爲世業此二事人至今頌之

王廷祐字槐臣山陰人雍正十年爲平望驛丞廉惠強幹舊夫馬船每不足額餉銀恒尅減廷祐至悉除其弊凡應付官及兵役皆依勘合火牌定額或權貴額外要勒卽力爭曰吾不肯壞 朝廷法以病民而媚大官也歷數年遷巡檢以老告

歸

吳江縣志

卷二十三

別錄

七十七